



Central YMA Executive Committee thukhawm

Branch News

Chanmari West, September 11: Ni 2.9.2011 khan Central YMA Committee Room-ah Central YMA Executive Committee an thukhawm. Meeting hi Pu Lal Chungnunga, President-in a kaihruai a, member 44 telin YMA Gen.Conference chungchang leh pawimawh dang rel a ni.

Meeting ah hian Pu Lalbiakzuala, General Secretary-in hmalakna report a pe a, Nk. Vanlalrema Chite Veng tuitla ruang zawngtute ei leh in tan 2000/-, Lalbiaknunga, Sairang, tuitla zawng boral ral nan 1000/- pek anih thute, Chalhtlang North (Lily Veng) a cheng Pi Laltanpuui Kudam atanga CADS ten damdawi thahnem tak an man thu leh Laltanpuui ten FIR an thehluh thute, Tuikual South Branch YMA President Legal Notice pek a nih thute, Central YMA OB, Tuikual South Branch OB leh Chalhtlang North Branch OB te nen sawihona an neih thute a ni.

Thurelte:

YMA GENERAL CONFERENCE AGENDATHLITIFIM:

YMA General Conference 2011 lo awm tura Aizawl khawpui chhung atanga Agenda lo lut CCC Meeting a chhawp chhuah turin hengte hi passed ani.

YMAKHAWIH:

1. Mizoram khawpui hrang hrang thlanmual intawm (Common Cemetery) kan neih theih nan Central YMA-in hma la rawh se.
2. Mizorama Project/Industry ah leh leilung hausakna haichhuah kawngah ram lei lung faten a tam thei ang ber hamthatna an dawn theih nan Central YMA-in hma la rawh se.
3. Mizorama hnamdang dan lova sumdawngte dapchhuah hna hi tun aia chak zawka hmalak ni rawh se.
4. Mizoram (India) tizim zawnga Bor-

der Fencing kal lai mek hi Central YMA-in enpuin uluk zawka hmalak dan ngaihtuah rawh se.

5. Electoral roll Revision hrang hrangah khua leh tui dik takte chauh thun an nih theih nan Central YMA-in hma la chhonzawm zel rawh se.

6. Mizo thuan thilte uar zawka hmang turin Central YMA-in hma la rawh se.

7. Kan rama tuihna humhalh leh a awmsa tihpun zel a nih theih nan Central YMA-in hma la rawh se.

SORKARKHAWIH:

1. School Academic Session tuna kan hman mek hi India State dangte tih dan milin April - March ah thlak ve ni rawh se.

2. Labour Law kan neih ang angteng kenkawh kawngah Sorkar-in chak zawka hma la turin Central YMA-in ngen rawh se.

3. Pawngsual chungchangah thil tisualtu hremna na zawk siam thar ni rawh se.

4. Mizoramah hmun remchang chuh a hnamdang ten Bawk an khawh a khawper an din thin hi a awm tawh lohna turin hmalak ni rawh se.

5. Mizo hmeichhia Non Tribal pasal neite, an pasalte hnam vuan tura Dan (Supreme Court Rulling) awmsa khauh zawka kalpui nise, hnamdang Mizo hminga an hming thlak thinte hi ram leilungfate chanvo humhalh nan Sorkar-in khapna khauh takin siam rawh se.

KUMPUANRAWINA:

1. Khawtlang Nun Siamthat
2. Ram leh Hnam Humhalh
3. Ruihlo Do

CM Running Trophy a mi tur hnam lam Indoor-ah zir chhoh mek a ni.

Branch Executive Member Pu HV Lalthavela chu eizawna thil avangin Zokhawthar lamah a la zin mek.

YMA Sport kan neih turah lawmman atan Pu F.Zosanga 'K' Section chuan a nupui hriatrengha atan 10,000/-min rawn pe a, a chungah lawmthu sawi

Ni 7.9.2011 zingkar khan Local Council, NGO hrang hranga president leh Secretary ten Ration Card chungchangah Joint Meeting neih a ni.

NGENNA

Ni 13 & 14.10.2011 a Chief Minister Running Trophy in YMA Cultural Dance Competition neih turah kan Branch YMA te kan chhuahve dawn avangin lam hi Indoor-ah zir thin a ni a.Lam la zir hman lo te tan pawh zir theih reng a ni a.Member te a tam thei ang ber lam zir turin kan in ngen a ni. Lam zir turte chu Ni 12.9.2011(Thawhtan) zan dar 7:00-ah Indoor-ah kal tur a ni e.

KEIMAHNI

Tun issue chhutna ah Pu Ngaihte-a, Tv. Mahriata V-Sec leh Tv. Zaia of Neuva Section ten min tawiawm a, an chungah kan lawm hle



TUN KAR CHANGVAWN

Nunna Thu atir ata awm kha, kan bengin kan hriat kha, kan mitin kan hmuh kha, kan en reng a, kan kuta kan dap kha, chu mi chanchin chu;

I Johana 1:1

Hriattirna

Branch YMA-in memberte puala Infiamna hrang hrang Ni 17-24.9.2011 a a buatsaih turah Items hrang hrangah lawmmna Cash Prize leh Trophy siam nise tih a ni a. He lawmman tum duh vengchhung mi leh veng pawn mi tupawh chhungte boral tawh hriatrengha emaw, dawr leh advertisement ti duh te tan sum leh pai thawh theih a ni a, hrechiang duh leh ti duh chuan Organising Secretary Ph No.9436142304 ah emaw Br. Secretary hnenah emaw in hriattir theih reng a ni e.

Editorial Board

Editor

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkhuma
9862303135

Pu Vanlalhluta
9862366308

Tv. Vanlalfawna
9856301975

Cir. Manager

Johny Lalthanpuia
9612359161

Jacob Lalrinsanga
9612319779

Production

Manager
R.Lalmachhuana
9436151817

Branch Office Bearer

President

T.Ngurkhuma
9436190843

Vice President

R.Lalmachhuana
9436151817

Secretary

RL.Thanhnuna
9436152760

Asst. Secretary

K.Darthanthuanga
9436196071

Treasurer

C.Lalzarliana
9436142049

Fin.Secretary

Lalthuamluaia
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khiangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlina kha hlen rawh. II Tim 4:5

Editorial : Central YMA chuan Mizoram chungna dan lo a sumdawng dapchhuah hna a thawh chu kalpui chhonzawm zelin tunah hian kan ramah hetiang dan lova sumdawng hi za tamtak an dapchhuak tawh a ni. Mizo te hi sum leh pai kan hmuhna tur a nih phawt chuan a tha emaw thalo emaw thlir hmasa lo hian kan bawh huam huam zel a. Rinawmna kan tlachham takzet a ni. Nguntaka ngaihtuah chuan hetiang thil lo ti tu hi chuan ram leh hnam a hralh a ni a tih theih awm e. Kan thenawm State thenkhat han thlir ila hetiang an chin avanga an hnam a ral nasat tawh zia kan hmu thei awm e. Mizoram hi keimahni ram a ni a, hei lo ram dang kan nei lo tih hi chu kan hre theuh awm e. Kan ramah hian dan lova sumdawng leh dan lova awm tamtak an awm a, kan vengchungah ngei pawh hian hnamdang (vai) sponsor tamtak kan awm ngei ang. Heng kan sponsor tamtak te hi kan hna an thawh kan duh vanga ti kan ni ber ang a. Kan hna an thawh tawh loh hnuah pawh cheng temte umin kan la sponsor zel niin alang. hengte avang hian kan ramah vai an ngampa a, mizotena kan thawh ve theih min thawhsakin kan sum an hawn thla ruih ruih mai zawng a nih hi maw. Chuvang chuan mitin hian kan rilru sukthlek leh rilru put hmang kan thlak a mizo kan nihna vawng nung zel tura ke kan pen a ngai takzet a ni.

Article :

MILLER OF THE DEE

-K.Sangkhuma

Chawngbawla Section

Tun tum chu kan Article-in khawtlang nun siamthatna lam a hawi dan chu tlemin a zia i lo tidanglam hret teh ang. He hring nun hahchawl thei lo lek a rualawt leh phak loh neih tum a phe reng mai nun hmang mek te nun hi a tih hahchawl ve deuh nan he “Miller of the Dee” an tih pa nungchang leh khawsak dan hi i lo zir tlang teh ang.

England leh Wales ram inrina ah khuan “Dee” lui an tih kamah chuan chhangphut hertupa hi a awm a, Sap pa naran ve mai, khawvel thil lamah chan tur nei ve lo tak a ni. Mahse chan tawka lungawi thei em em mai a ni. A hnaah chuan kawla nichhuakchhiarin a thawk a, a chhangphut her pah chuan a zai rut rut thin, a hla sak thu chu “Tumah ka awt lova, tuman min awt baw lo, ka ei khawp ka hmu a, ka nupui leh fate leh thiante ka hmangaih a, ka rulh theih loh tur pawisa tu ta mah ka ba lo” tih a ni.

Mahse chhangphut hertu hian hriat loh a nei,” tuman min awt lo” a ti hi a dik lo, England Lalber Henry VIII-na chuan, “mi hausa leh thil ti thei pawh nilo, chhangphut hertu mai si chuti taka a han hlim thei bik chu a lo awtin a lo itsik em em a, a ni lalber lah a hlim thei der si lo.

Lalber chu an chhangphut herna hnenah chuan “Tuman min awt lo” i ti hi i ti dik lo, keiman ka awt che a ni. Theih nise kan dinhmun hi inthleng ila ka ti a sin” a lo ti a. Engvanga nilenga hlim thei nge a nih a zawt nghal a, chhangphut hertu pa chuan “Tumah ka awt lova, tuman min awt bik lo, ka eichawp ka hmu a, ka nupui

leh ka fate leh ka thiante ka hmangaih a, ka rulh theih loh tur pawisa tuma ta ka ba lo” tiin a chhang a, lalber pawh chuan a hrethiam nghal a. Hlim takin a haw ta a ni.

Kawla ni chhuak chhiara chhang phut her ringawt chu tamtak chuan hna hlimpui vak turah an ngai kher lovang. A chhangphut her hrim hrim kha a hlimawm a ni chuang lova, mahse, he pa hi chuan a nawm leh nawm loh lam a ngaihtuah lo, a thawk a, a thawhchhuah ah a lungawi a, chu chu atan a tawk chiah a ni.

Mihring nun min ti hrehawmtu tamtak chu, kan nihna a kan lungawi loh vangte, kan neih phak loh kan neih chak em em vangte, mi malsawmna dawn kan lawmpui theih loh vangte, mi neih ang nei ve lova inhriat vangte. Keini aia fel zawk bik lova kan hriat ten hlawhtlinna an neih vangte a ni fo baw lo.

Mahni hna a lungawi a, midang itsik lova, kan chungte leh kan thiante kan hmangaih a, midang chungna rilru chhia kan put miah loh chuan chu aia nun awhawm a awm thei chuang lovin, khawtlang nun siam thatna bul pakhat chu a ni ve ngei baw lo ang le.

LOST AND FOUND

Tunkar thawhtan zan dar 8-9 inkar vel khan Chanmari West kawipuih Pawisa thahnem tak tih bo a ni a, Chanmari West mi mi rinawm takin in chhar niin kan hria a, khawngaihtakin YMAAW Editor kaltlangin min han hriattir thei ula kan lawm hle ang.

VANAPA

☞ Hun rei tak atanga Project a an lo neih thin tawh Chhياتni/Thatni a Bungrua thiar kual zung zung na tur Tawlailir (Thela) tha tawh tak mai an nei thar ta, Thela ke hi Silchar atanga chah ani a, a Body hi Pi Laldingpuii te chhungkua in an Pa Pu C.Rozama (L) hriatrengna atan Vengchung in mamawhna hria in anrawn Donate a, an chungah Section in lawmthu a sawi tak meuh meuh a ni, a body ringawt pawh hi Cheng 6,000-7,000/- man bawr vel a tling a ni.

☞ An hruaitu Pu H.Lalremtluanga SIPMIU ah hna a hmu thar. Pi Lalhmingmawii w/o T.Lalremruata, Pi Biakchungnungi w/o R.Lalhmachhuana (Ihmaa) ten Zirtirtu hna an hmu thar a, NI Saldingpuii d/o Saihnuna Sailo leh NI Malsawmtluangi d/o T.Lalthangfala ten Acct & Treasury ah hna tha tak a hmu thar bawh a, an lawmpuii takzet a ni.

☞ Branch Sport lo awm tur atan in puahchah mek zel ani a, Item tina tel tur te ngun taka Practice mek zel ani.

☞ Pi Sanglianthangi Durtlang Damdawiinah a awm mek.

NEUVA

☞ Thawhleh zan khan Section Committee pawimawh tak neih a nia, thu pawimawh tak tak rel a ni.

☞ An hruaitu Pu.Henry Lalremruatpuia ten fapa duhawm tak Kg 3 leh Gram 950 lian leh rit an nei chu an lawmpuii hle.

☞ An hruaitu NI.Lalthachhungi Dilzawla chhungkaw pawimawh tia zin chu damtaka a lo haw leh thuai an duh.

☞ An hruaitu Pu.Malsawma Chhinte hritlang khawsik in lama in enkawl mek chu a dam leh thuai an duh.

☞ An member Lalsangpuiin Dan thianghlama kawppui duhawm tak Chaltlang lama a nei chu an lawmpuii hle.

☞ Pu.H.Vanlalduata te chhungin Section tan Rs.2000/ anrawn pe a, an lawm hle.

☞ An Section Leader Pu

(N-Section Report chhunzawmna)

Lalthanruma Champhai zin pawh tluang takin a lo haw leh ta.

TAITESENA

☞ Vawiin chawhma inkhawmban hian YMASport na tura Football Team A leh Basketball Team te Pu R.Lalsangzuala te in ah kalkhawm vek tur a ni a, Volleyball Players Mipa leh Hmeichhia zawng zawng te tlai Dar 3 ah NI.Lalthlamuanpuii te in ah kim taka kalkhawm bawh tur a ni.

☞ Football practice te thingpui in na tur an leader Pu C.Lalmuankima'n ape chu an lawm hle a, section chhung nu leh pate tlawmngaiin a pek theih reng tih an in hriattir bawh.

☞ Section chhunga YMA memberte CM Running Trophy a mi tur lam zir theih reng a la ni a, tlawmngaiia zir tum theuh turin an in ngen.

☞ Zawlbuk Fund rawn khawn mek a ni a, chhungtinte aranglama lo pek tum theuh turin an in ngen nawn leh.

KHUANGCHERA

☞ An Section Leader Kolkata lama Messi -a inkhel en pawh dam takin a lo haw leh ta. Asst. Leader Pu H.Laltanpuia pawh Champhai lama zin pawh tluang taka a lo haw leh thuai an beisei.

☞ Branch Sport lo awm tur ah pakhatna nih ngei tum in hma an la mek. Member-te leh incharge-te thahnemngai taka practice chhunzawm zel turin leh hruaitute pawn a theih ang ang a tawiam zel turin an inngen.

☞ Pu H.Laltanpuia leh Pu Lalchhanhima ten football practicete chana eitur an tum saka an chungah an lawm hle. NI. Lalmuanpuii pawn tumsak ngei a tum niin an hria a lawmawm an ti hle.

☞ YMA RUN-ah mithi lumen zana theihngihl niawm tak nihliap pahni a neitu hriat loh a awm a, lo thiehnghilh chuan a awm dan te sawiin a ranglam a lam a ngeihven tur a ni e.

☞ Ni 23.7.2011 a A.R. Ground a hruaitu inkhelh ni a thlak kha engemawzatin kan la khul lova, arang

(K-Section Report chhunzawmna)

lama Treasurer hnena khul turin an in hriattir.

☞ C.M. Running Trophy on Cultural Dance lo awm tura inbuatsaihna neih mek ah Section member-te a tam thei ang ber kal thin turin an inngen.

CHAWNGBAWLA

☞ An member pu Lalchhandama Ralte in Sport Meet a an champion ngei theih nan Football pahni a pe chu an lawm hle.

☞ An players te ngawrh taka practice zel turin an in fuih thar leh a, hruaitute pawh an hpur tlang hle.

☞ Zawlbuk Fund khawn kal mek zel a ni a, hruaitu la khawn lo te pawhin taima taka khawn turin an in hriattir.

☞ An section ah ruihhlo lakluh leh zarh khap a ni a. Mipuite hetiang tih ching hria kan awm chuan section hruaitute hnenah hrih turin an in hriattir.

LOCAL COUNCIL NEWS

Supply Department atanga lehkha kan hmuh angin Chanmari West vengchungah Ration Card siamthat a ni leh dawn a, NGO hrang hrang te nen Joint Meeting neih a ni a, In tinah kalin ennawn a ni ang.

Kan vengchungah Ration Card tun dinhmuna kan neih dan:-

Retailer No.I-ah	APL - 582
	BPL - 99
	AAY - 62
Retailer No.II-ah	APL - 482
	BPL - 56
	AAY - 18

Ration Card hi a vaiin 1299 a awm a ni.

MAN HUNT

H. Zoramthanpuia, Chanmari West T-Section Man Hunt Top-10 ah ala tlinga, karleh thawhleh ni 13 zan hian Vanapa Hall ah Final neih tur a ni a, vengchung mipui zawng zawng te kal turin kan sawm a, thawhtan zan dar 10:00 thleng ala vote theih avangin vengchung mipuite vote hlu kan ngen a ni e.

Vote Dan:

MANHUNT H.

ZORAMTHANPUIA tih hi
9246356765 ah thawn tur a ni e.

CYMA NEWS

🦅 GURKHALI OBC STATUS-A HLAN KAI CHUNGCHANG : Mizorama Gurkhali te OBC Status-a hlankai tumna awm chu kum 14 lai an lo dil tawh a nih thute, Ministry kal tawhte pawhin an lo la pek duh loh anih thute, Sorkar-ah pawh vawi duailo thlen a nih tawh thute ngaihthlak a ni a, tun hma atanga YMA dinna ngai reng kan hnam tana hi lo OBC dinmun pek hi Central YMA tha a tih loh thu Meeting ah nemnghet leh a ni.

🦅 DAN LOVA HNAMDANG SUMDAWNG CHUNGCHANG : Hnamdang dan lova Sumdawng YMA ten kan enfiah mek, a List kan neihte hi Sorkar, Chief Minister hnenah a tul anga an bawhzui turin pek nise, a copy ho Home Minister, Home Secretary leh Aizawl DC ah thehluh nise tih a ni a, list copy hi Ni 6.9.2011 khan thehluh nghal a ni. September thla chhung a tul anga ngaihchan a thlizui nise tih a ni bawh.

C.V.T.T.P NEWS

🦅 Lehkhabu 65 lei thar a ni a, mi thahnemngaite donate bu 10 nen lehkhabu 75 register thar a ni a, heng lahkhabute hi Library memberte hawh theih turin ni 1.9.2011 khan release a ni.

🦅 Library member-a in pe theuh turin a tuimite an sawm a, registration fee hi kumin 2011 atan ` 20/- a ni. Tin, Library hi Inrinin apiangin zing dar 10:00a.m -2:00p.m thleng a hawn a ni.

🦅 C.V.T.T.P bungraw haw tuten zing lam dar 9:00 hmain leh tlai lamah dar 3:00 hnu lamah hawh chhuah ni thei se, hei hi a kawltute remchanna avanga ruahman a ni.

🦅 Lehkha hawhtute leh bungbel hawhtuten a neitu vek kan ni tih hre chung a dimdawi tak leh uluk taka enkawla a hun taka dah leh thin turin ngen kan ni e.

🦅 Library hi kan ta theuh a ni e, a ven hin thu ah leh a zahawmna hi keimahni a hmangtute kuta awm a nih hre rengin hma a sawn zel theihna tura theihtawp chhuah theuh turin vengchhung mite an ngen a ni.

MHIP NEWS

🦅 Supply Department atanga lehkha kan hmuh angin Chanmari West vengchhungah Ration Card siamthat a ni leh dawn a, NGO hrang hrang te nen Joint Meeting neih a ni a, Chanmari West Branch MHIP te pawhin a tul anga Local Council te hmalakna hi tawiaawm nise tiin an rel.

🦅 Tailoring Center pawh ni 12.9.2011(Thawhtanni) hian 3rd batch tan a ni dawn a, Puanthui zir tura thlante chu kim taka kal vek tur a ni e.

🦅 Pangpar leh puan heng mite hnenah hian engtiklai pawh in lei tur a awm e:-

Ch Section	- Pi Zualbawih
V Section	- Pi Mawipui
T Section	- Pi F. Lalramsiami
K Section	- Pi Thangbawih
N Section	- Pi Lalrimawii

A bik takin chhiatni ah vengchhung mite kan lo zangkhai phah theih nen ruahman a hi siam a ni, veng chhung miten an tangkaipui an beisei hle.

AIRCEL SIM CARD

'A THLAWNIN A LAK THEIH E'

Tul te :-
Voter's ID (Aizawl Area ID) Xerox fiah tak
1 copy
Passport size photo
4 copies (Colour fiah tak)

* Top up ` 30 man thun tur a ni.
* Nghah a ngai lo a lak theih nghal.

Pu Tiana Dawr, Kawipui
Contact:-9856300500

HETAH HIAN SMS LA

>>9774170328<<

🦅 YMA Park leh a chhehvel hi duty an awm ngai tawh lo em ni ? Sign-board tar ringawt lo hian hma a lak theih lo maw.

857540__03

🦅 Branch YMA Sport kan neihturah hian YMA member nilo te tana hun hawn sak hi a va fair lo ve, Branch hruaitute hian Section thenkhat hruaitu ngam loh an nei a ni lo maw.

986272__00

🦅 Kan veng Lodestar School bul Indoor pan thlakna step zana kal thin te tan leh Indoor thlang Zunin bul step thim lutuk hi thuneituten Street Light dah dan ngaihtuah a va tha ve.

977499__08

🦅 Tunkar kalta eng ni beremaw ni a kan vengpa in Vanglaini chanchinbu-a Chhiartute khawchang tih a thu a ziah kha ka lo chhiar ve a, YMA kumpuan kha Ram leh hnam humhalh ni lovin Khawtlang Nun Siamthat tih zawk tur a ni e tih ka han sawi duh mai mai.

961215__30

(SMS kan dawn te hi Ed. Bd ngaihdan a ni vek kher lo)

RUTHI HAIR CUTTING SHALOON

Pu Lalchhuanawma (Chate-a) in opposite Khuangchera Section-ah Mipa Lumehna dawr hawn thar a ni a, vengchhung mite duhsak bik an ni ang. Engtiklai pawhin pan theih reng kan ni e.

Prop.
LALNUNZIRA (Manunzira)
Ph 9774981243
Chawngbawla Section

HIGHLAND CHEVROLET

Car chi hrang hrang duh thlan tur a awm e.

Spark, Beat, U-VA AVEO, Optramagnum, Cruze, Tavera, Captiva

- PARTS AND ACCESSORIES KAN NEIA, KAN CHAH THEI RENG BAWK E.
- WARRANTY 3yrs / 100000 Km KAN NEI BAWK.
- LOAN ALA DUH TAN BANK ZAWNG ZAWNG KALTLANGIN KAN PE THEIA, SAWRKAR HNATHAWK LEH MIMAL SUMDAWNG TAN PAWH HARSATNA A AWM LO.

I HRECHIANG DUH EM? - Price, Loan Facilities, Test Drive :

HIGHLAND CHEVROLET

SHOW ROOM AND SERVICING STATION
AIZAWL-LUNGLEI ROAD, ZEMABAWK, AIZAWL

Ph. Showroom : 0389- 2351914

Servicing Station : 8974143304

Email : highlandsalesenquiry@gmail.com

Facebook: Highland Aizawl